

## FESTIVAL MERAKYATKAN SENI BUDAYA MAH MERI @SELANGOR 2023

**PULAY CAREY, SELANGOR, 2 SEPTEMBER 2023** - Kementerian Pelancongan Seni dan Budaya Malaysia melalui Jabatan Kebudayaan dan Kesenian Negara (JKKN), Selangor dengan kerjasama Jabatan Kemajuan Orang Asli (JAKOA) dan Kerajaan Negeri Selangor telah menganjurkan program ***Festival Merakytakan Seni Budaya Mah Meri @Selangor 2023*** pada 1 September hingga 3 September 2023 (Jumaat, Sabtu & Ahad) bertempat di Perkarangan Pusat Kraf Orang Asli, Kampung Sungai Bumbun, Pulau Carey, Banting, Selangor.

Festival Merakytakan Seni Budaya (FMSB) Mah Meri @Selangor 2023 bertujuan mengetengahkan keunikan dan kepelbagaian seni dan budaya bagi masyarakat orang asli Mah Meri yang terdapat di Negeri Selangor. Festival Merakytakan Seni Budaya Mah Meri @Selangor 2023 kali ini menampilkan keunikan seni daripada lima (5) kampung yang terdapat diperkampungan orang asli Pulau Carey iaitu Kampung Orang Asli Kepau Laut, Kampung Orang Asli Sungai Rambai, Kampung Orang Asli Sungai Kurau, Kampung Orang Asli Sungai Bumbun dan Kampung Orang Asli Sungai Judah.

Pelbagai pengisian yang menarik dan mampu memberikan satu pengalaman yang indah kepada pengunjung antaranya adalah pameran dan demonstrasi makanan dan kraftangan orang asli Mah Meri, pertandingan Battle of The Band, Pertandingan Ratu Gadek dan Pahlawan Orang Asli, Pertandingan Busana Kreatif Orang Asli, Pertandingan Permainan Orang Asli dan Sukan Rakyat. Bengkel Tarian, Vroom - vroom Konvoi Sahabat Budaya Jualan Makanan dan Minuman, Pertandingan Mewarna Kanak-Kanak dan Mah Meri Fun Run, *Happy Games*, Pemeriksaan Kesihatan, Derma Darah serta Pemeriksaan Gigi. Manakala Malam Gala 'Temasya Gegar Tuntung' pula menampilkan persembahan dari artis tempatan Haqiem Rusli dan Kumpulan muzik Orang Asli Mijo Band.

Menariknya festival kali ini adalah penghasilan lukisan mural yang dilukis di dinding dua (2) buah kontena bersaiz 8' x 20'. Lukisan mural ini bertemakan keunikan seni dan budaya masyarakat Mah Meri dan akan dihasilkan oleh Encik Shaq Koyok yang merupakan pelukis terkenal masyarakat orang asli dari suku kaum Temuan yang mempunyai pengalaman dalam lukisan seni visual di Malaysia dan antarabangsa. Lukisan Mural di dinding Kontena ini telah diletakkan di dalam perkarangan Pusat Kraftangan Orang Asli, Sungai Bumbun dan ianya menjadi salah satu ikon dan daya tarikan baru bagi sektor pelancongan kepada masyarakat orang asli dan pelancongan negeri Selangor amnya.

Program bersama masyarakat orang asli Mah Meri ini diharapkan dapat memberi impak baharu kepada penyemarakkan dan pemeliharaan seni budaya bagi masyarakat orang asli Mah Meri serta mampu memberi impak kepada pendapatan usahawan tempatan selain menjadi salah satu destinasi pelancongan yang menarik mewarnai industri pelancongan budaya negeri Selangor.

Untuk maklumat lanjut mengenai FMSB Mah Meri @Selangor 2023 orang ramai boleh layari laman sesawang [www.jkkn.gov.my](http://www.jkkn.gov.my) atau laman sosial [www.facebook.com/mysenibudaya](https://www.facebook.com/mysenibudaya) dan [www.facebook.com/jkkn Selangor official](https://www.facebook.com/jkkn Selangor official)

**-TAMAT-**

**Dikeluarkan Oleh:**

Unit Komunikasi Korporat  
Jabatan Kebudayaan dan Kesenian Negara  
Tel: 03-2614 8200 Faks: 03-2697 0786

**Laman Sesawang:** [www.jkkn.gov.my](http://www.jkkn.gov.my) **E-mel:** [ukk@jkkn.gov.my](mailto:ukk@jkkn.gov.my)

**Platform Media Sosial Rasmi JKKN:**

Facebook: @Jabatan Kebudayaan dan Kesenian Negara dan @mysenibudaya  
Instagram, Twitter & YouTube: @mysenibudaya

**Untuk Pertanyaan, Sila Hubungi**

Mazidah binti Mustapha Pengarah Unit Komunikasi Korporat, JKKN <a href="mailto:mazidah@jkkn.gov.my">mazidah@jkkn.gov.my</a> Tel: 03-2614 8200 / 012-952 2095	Eldawati binti Laung Pegawai Kebudayaan Unit Komunikasi Korporat, JKKN <a href="mailto:eldawati@jkkn.gov.my">eldawati@jkkn.gov.my</a> Tel: 03-2614 8200 / 019-8091805
--------------------------------------------------------------------------------------------------------------------------------------------------------------------------	-----------------------------------------------------------------------------------------------------------------------------------------------------------------------------------